

Uttale – Ombygging av Årås skule

Fagforbundet i Austrheim vil komme med følgjande uttale til utbygging av Årås skule.

Når me no ynskjer påbygg til å utvida ungdomstrinnet, ser me det som viktig for elevar og vaksne å kunne skapa ei ryddigare skulekvardag med plass nok til alle. Det krev at der er rom som er tilpassa aktivitet og elevtal. Rammeplanen i SFO viser til mål som krev spesialrom.

*Musikkrom for å kunne gjennomføre mål i rammeplan om kunstnariske og kulturelle aktivitetar.

*Rom for kunst og handverk som må vera delt grunna verktøy, støy og støv.

*Mat og helsesal for å kunne gjennomføre mål i rammeplan om mat og måltids glede.

*Naturfagssal for å kunne gjennomføre mål i rammeplanen med skaparglede, engasjement og utforskartrang.

Følgande punkt er viktig slik me ser det:

*Førsteprioritet for oss i Fagforbundet på Årås er å få eit tilbygg med nok klasserom, grupperom og gode garderobar med tilhøyrande HC-toalett.

*Skjerme barneskuledel frå ungdomsskuledel. Innvendig og utvendig undomsskuledel bør være så åtskilt frå dei yngre elevane, at dei yngre elevane slepp å oppleve utryggheit kring eldre elevar sin ungdommelege åtferd.

*Det vert bygd nye skular med tilhøyrande grupperom til alle klasserom. Me ynskje å følgje eksempel Alver kommune, der de har følgd denne modellen for sine nye skular. Grunna manko på grupperom bruker me mykje tid på å leite etter ledige rom, for å gi elevar opplæring og skjerminga dei har krav på.

*Grunna manglande spesialrom i dag er det vanskeleg å gjennomføre praktisk arbeid både i skule og SFO.

*Ynskjer å utbetre kantinedelen.

Utbygging med elevar til stades er krevjande og Fagforbundet vil leggje til, at å byggja eit tilbygg der det krev mindre ombygging innvendig kan være det beste for våre elevar og tilsette. Støv, allergiar og støy er faktorar som kan skapa ein meir utfordrande kvardag. Me vil be om at ein byggjer en skule for framtida.